

VOILA⁶⁹

s'Cliqueheftli vo de Basler Rolli



Oktober 2022

Basler Rolli Jungi Garde & Stamm TERMINKALÄNDER

Wenn	Was	Wär
SA-SO 22.-23.10.2022	JG Weekend	JG
SA 29.10.2022	Bunte Oobe	Stamm, JG, AG
DO 10.11.2022	Herbstversammlig	Stamm
SA 19.11.2022	SJDS	JG
SA 26.11.2022	Tam-Tour Fribourg	JG
DO 15.12.2022	Wiehnachtsässe	Stamm
SA 07.01.2023	Blaggede-Ussgoob	Stamm, JG, AG
FR 13.01.2023	Vogel Gryff	Stamm, JG, AG
SA 14.01.2023	Yebigsdaag	Stamm
DO-SA 19.-21.01.2023	Offiziells	Stamm, JG
SA 28.01.-11.02.2023	Charivari	Stamm
FR-SO 03.-05.02.2023	Laaferi	JG
SO 19.02.2023	Allschwiler Fasnacht	JG
SO 26.02.2023	Ladärne Ypfyffe	Stamm, JG, AG
MO-MI 27.02.-01.03.2023	Fasnacht	Stamm, JG, AG
SO 12.03.2023	Bummel	Stamm
SO 19.03.2023	Bummel	JG, AG
DO 23.03.2023	Lämpesitzig	Stamm, JG, AG
DO 30.03.2023	Probelektion	JG
MO-MI 19.-21.03.2024	Fasnacht	Stamm, JG, AG

Die aktuelle Termin vo dr Alte Garde wärde über's Internet mitteilt



B
A
S
E
L
T
A
T
T
O
O

MURI TATTOO

PROLOG

Z
T
P
F

BIERPfad

SKYLINE APÉRO

TATTOO PARADE

RÄTSEL

A
U
C
A

LAAFERI

P
E
T
E
R

TERMIN

ESAF

LARA

CAROLINE

GABY

RYAN

MONIKA

R
O
L
L
I
R
A
D
I
O

Liebi Rolli

In eure Händ ligt e wilers Exemplar vo unserem Clique-Heft Voilà. Mit dr Nummere 69 sogar bitz e spezielli Usgoob!

Äi mol mehr sin einigi Rolli im Hintergrund doodrfür im Ysatz gstande und am schaffe gsi. Luege mir zämme uff die letschte Mönnet zrug, isch aber unsere Ysatz nid numme bim Gsalte vom Voilà gfrogt gsi: So sin mir bischpiilswiis im Friehlig während em Offizielle Basler Bryysdrummele und -pfyffe hinter und uff dr Bühni im Ysatz gstande, hän im Summer gluegt, dass es in dr Tattoo Street vom Basel Tattoo Raclette gä het und hän e weneli spöter denn au no unsere Däil zum ene grossartige ESAF 2022 biträit. Y möcht doorum die Gläägehäit nutze, zum euch allne doodrfür Dangge saage!

All die Aggtivitäte zäige au, dass mir ändlig wider im ene normale Cliquejoor mit spannende Aggtivitäte akoo sin. Das isch sälbschtverständlig e tolle Sach! Dorum löönd uns gmäinsam s Cliquelääbe wider hochhalte und gniesse. Y dängg mir häns in de leschte Joor gnueng vermisst und sotte doorum zämme e weneli Soorg drzue traage!

In däm Sinn,
uff e witerhin tolls Cliquejoor!

Dominic
Obmaa Stamm



s Voilà Team

Inhalt Stamm, Dätschmaischtere, Vrsand: **Nadine Nickler**
Mitässer & kreativi Mitdängger: **Andrea Häner-Roth, Lara Petralli,**
Marcus Hablützel
Inhalt Jungi Garde: **Michèle Emmenegger**
Inhalt Alti Garde: **Thomas Wyss**

Adrässänderige: **baslerrolli@gmail.com**

Redaktionsschluss Voilà Nr. 70: **31.12.2022**

Druggerei: **Reproline GmbH**

Titelsyte: **Rolli Raclette @ Basel Tattoo**
<http://www.baslerrolli.ch/>



by uns findsch alles
wo's bruucht
zem feyn kenne ruesse

Aluminiumdrummler
Messingdrummler
Holzdrummler
Schlegel
Bandalier etc.

Allschwilerstrasse 34
4055 Basel
061 271 79 19
www.trommelbau.ch

Büchler
Trommelbau
Basel

Häzlig willkomme, liebi Lara!



Sit kurzem verstärggt d Lara Petralli unser Team als sogenannti kreativi Mitdänggerin mit grossem Talänt zum Brichtli schribe. Wo ich si per WhatsApp agfrotgt ha, isch sehr schnäll d Antwort ko „Ui joo, do wär ich sehr gärn drbii“! D Freud isch bi ihre sowie bi uns im bestehende Voilà Team sehr gross!

In däm Rahme hämmer ihre grad e paar Frooge gstellt:

Wie lang pfyffsch du scho bi de Rolli?

Sit ich 7 bi.

Vo wäm hesch du di Schribtalänt g'erbt?

Eher vom Papi. Woorscheinlig.

Du bisch jo e sehr kreative Mensch. Was hesch du scho für Idee, wo du im Voilà umsetze wilsch?

Zum Bispil e Rubrik für Jungi, wo si sälber könne öbbis entwärfe.

Welle Marsch pfyffsch am liebschte?

Dr Hofnaar und dr Keenig.

Nei Lara, nur eine meini.

Dr Hofnaar und dr Keenig.

Interview beändet. Kunnt extrem guet. 😊

Nadine

HERZLICH WILLKOMMEN



26. April 2022 ☺ 3:45 Uhr ☺ 2115 g ☺ 45 cm

Mit grosser Freude und noch mehr Stolz teilen wir Euch die Geburt unseres Sohnes Ryan Renzo mit.

Wir sind unendlich glücklich über unser neues Familienmitglied und freuen uns auf die bevorstehende Zeit zu dritt.

Cristina, Marc & Ryan Keller



Das Muri Tattoo war ein Jubiläumsanlass des Tambourenvereins „TGIF“ (Tambourengruppe im Freiamt). Das 75-Jahr-Jubiläum ist bereits 2 Jahre her und das dazugehörige Fest musste Corona-bedingt zweimal verschoben werden.

Der Anlass war ein Volksfest für die Region und hat mehrere Tausend Besucher angezogen. Die schöne Atmosphäre des Klosterhofs von Muri (AG) gab dem Anlass einen gebührenden Rahmen.

Ein unterhaltsames und abwechslungsreiches Showprogramm, mit rhythmischen Trommeldarbietungen, Dudelsack Klängen, Brass Musik und weiterer musikalischer Umrahmung.

Streetfood Stände, Irish Pub, Highlander Bar und weitere kulinarische Leckereien luden Jung und Alt zum gemütlichen Verweilen ein.



Die Basler Trommelakademie (BTA) mit jungen Tambouren aus der Region Basel zeigte eine grossartige Show. Sechs Kompositionen (Binggis, Jubiläums-Retraite, Faschewäje, Zic Zac, Jack Daniels und als Höhepunkt die Tagwacht mit Schlegelfechten) in verschiedenen Formationen wurden zum Besten gegeben. Mittendrin sechs Basler Rolli, zwei davon zum ersten Mal auf einer so grossen Bühne (Bravo Leon und Nael!!).

Als Höhepunkt und Abschluss wurde eine Tattoo Parade rund um den Klosterhof abgehalten. Nochmals ein eindrückliches Zeichen aus der Region Basel, dass es um den Nachwuchs der BTA, resp. auch der jungen Basler Rolli gut steht.

Nochwuggs / Muri Tattoo / Teil 2



Die Ältesten mit der Komposition „Jack Daniels“



Gemütliche Pause für die beiden Neulinge Leon und Nael



Parade quer durch Muri (AG)



Verdiente Pause unter den Bäumen, es war ein absoluter Hitze-Tag am 18. Juni 2022.

SLaaferi isch e sehr tolli Erfahrung gsi für mich.
Es het mir sehr viel Spass gmacht dört mit zmache.

Mir sind im Ganze mit dr Stellprob, Hauptprob und de drei Vorstellige insgesamt fünf mol uf dr Bühni gstande. Ich persönlich bin nie wirklich nervös gsi, do ich scho 1-2 mol uf einere Bühni gstande bin, aber e klini Nervosität gits immer.

Unsere Ablauf isch so gsi:



Haupt-/Generalprob:

D Hauptprob isch sehr lang gange, mir hän immer wieder müesse warte, es het Verzögerige geh etc. Me het dört halt immer an gwüsse Stelle müesse warte, womits halt chli mühsam gsi isch, aber an de andere Uftritt hets denn zum Glück nüm so Verzögerige geh.

Premiere:

Vor em erste Uftritt vor em Publikum sin mir als Jungi Garde zämme go zNacht esse. Denoch sin mir zemme wieder zrug glofe wo mir uns umzoge hän. Wo alli s Gostüm wieder a gha hän, sin mir uns go yspiele und denn gli druf abe hinter dr Bühni bevor mir den endlich unsere Uftritt gha hän. Wo mir denn unsere Uftritt gha hän, sin mir ins Foyer go warte, bevor denn d Schlussnummere ko isch. Nach dr Schlussnummere sin mir uns go umzieh und hänn nach dem lange Tag endlich heime chönne.




Matinée:

Am Sunntig am Morge isch es denn schon bald witer gange. Wieder de glich Ablauf wie am Samstig am Obe. Nach em Uftritt sin mir dört bliebe, wo denn au alli Clique öpis z Ässe beko hän. Es het Verschiedenes geh, also für jede öbis Passends.

Dernière:

De letzti Uftritt - do han ich mich scho gfreut - vor allem will me gwüsst het, denoch ka me Heime und hets gschafft. Uf e Art isch me aber au chli drurig gsi, dass es scho verbi isch, denn es isch scho schnell umme gange die zwei Täg.



Nochwuggs / Laaferi / Teil 3

Generell:

Generell isch es sehr doof gsi, dass me immer so lang het miesse warte, um ei Marsch z' spiele. Es sind zwei langi Dääg gsi. Es het au lustigi Moment geh z.B. wo mir als Clique im Foyer lang hän müesse warte. Dört sinn e paar irgendwie ufenander gläge, was sehr lustig usgseh het. Ich persönlich finds cool, wenns so öpis wieder emol git.

Jasmin



GUTZWILLER
GARTENBAU

Walter Gutzwiller GmbH
Drosselstrasse 21 | 4106 Therwil
Tel. 061 721 37 88
www.gutzwiller-gmbh.ch

Zentralschweizerisches Tambouren- und Pfeiferfest

Normalerweise findet jedes Jahr ein Tambouren- und Pfeiferfest statt. Nach dem Ausfall im 2020 und einer Light-Version im 2021 (Lüchingen) stand vom 7. bis 10. Juli 2022 das volle Programm wieder zur Verfügung.

Einige Basler Rolli nahmen teil - eine Übersicht:

T2 Einzelwettbewerb Tambouren

(zweithöchste Tambourenkategorie | 80 Konkurrenten)

- 7. **Tamara Jager** mit „Zic Zac“ und „dr Olaf“

T1J Einzelwettbewerb Jungtambouren

(höchste Tambourenkategorie | 48 Konkurrenten)

- 1. **Andrin Hersberger** mit „Basinga“ und „Inferno“
- 7. **Yannick Amherd** mit „Basinga“ und „Amedes“

TP Gemischte Wettspiele

(Tambouren- und Pfeifergruppen | 10 Konkurrenten)

Hypokras: **Regula Michel** (P), **Eveline Schönau** (P)

- 8. Hypokras mit „Nunnefirzli“, „Mutzenbacher“ und „dr Keenig“



S1 Sektionswettspiel Tambouren

(höchste Tambourengruppen Kategorie | 13 Konkurrenten)

Fasnachtszunft Ryburg: **Andrin Hersberger** (T)

- 1. Fasnachtszunft Ryburg mit „Inferno“, „Ranasca“ und „Ab uff Gass“

SP Sektionswettspiel Pfeifer

(Pfeifergruppe | 14 Konkurrenten)

Hypokras: **Regula Michel** (P), **Eveline Schönau** (P)

- 9. Hypokras mit „Bälcona“ und „Mutzenbacher“

SoloDuo Gruppenwettspiel Tambour Pfeifer

(1 Tambour und 1 Pfeifer | 27 Konkurrenten)

- 6. Elin Bringolf | **Andrin Hersberger** mit „dr Huser“
- 22. **Eveline Schönau** | Roland Züger mit „Pinocchio“

Die Basler Rolli waren auch in den Märschen vertreten:

Der „Basinga“ wurde total 6 x und „dr Keenig“ total 8 x vorgetragen.

Wir gratulieren den Teilnehmern ganz herzlichen zu ihren tollen Resultaten!

Brian





optik
schneider

Optik Schneider AG
4009 Basel
Spalenring 15
Tel +41 61 381 91 91
optik-schneider-basel.ch



musik **oesch** basel
DAS FACHGESCHÄFT FÜR BLASINSTRUMENTE

Spalenvorstadt 27 • 4051 Basel • 061 261 82 03

ZTPF Ausbildungscamp

Vom 1. bis 6. August 2022 fand wiederum das Ausbildungscamp des Zentralschweizer Tambouren- und Pfeiferverband im Sportcamp Melchtal statt. Die Basler Rolli waren im 2021 mit 8 Tambouren vertreten. Im 2022 sogar mit 12 und 1 Pfeiferin. Total waren rund 75 Kinder aus verschiedenen Cliquen und Vereinen dabei.

Als Höhepunkt kommen in der Mitte der Woche die Trommel-Rekruten des Militärs zu Besuch. Zusammen mit den Rekruten übten die Kinder die Grundlagen und ihre Märsche.



Nils, Nico und Cilio



Karim, Liam und Yannick durften in der Gruppe 1, zusammen mit anderen Kindern den Zigeuner zum Besten geben

Brüder im Geiste: Kilian und Rocco



Yannick, Liam und Karim während einer Probe mit Stefan Freiermuth

Nochwuggs / AUCA / Teil 2



Von der Basler Rolli waren dies Mal die folgenden Kinder dabei:

- Emanuel Gehr (Fortgeschrittene)
- Johan Bautz (Fortgeschrittene)
- Kilian Uhlmann (Fortgeschrittene)
- Cilio Kirmess (Binggis Anwerter)
- Nico Estermann (Binggis Anwerter)
- Nils Brunner (Binggis Anwerter)
- Nael Frey (Binggis Spiel)
- Leon Lanzetta (Binggis Spiel)
- Rocco Adragna (Spiel Anwerter)
- Karim Niang (Spiel)
- Liam Kirmess (Spiel)
- Yannick Amherd (Spiel)
- Sarah Amherd (Pfeiferin)



Liam und Yannick mit einem Zimmerpartner

Das nächste Ausbildungscamp findet erst im 2025 statt. Das nächste Trommellager organisiert der Schweizer Tambouren- und Schweizerverband im 2024 (18.-28. Juli). Da dürfen Kinder ab 14 Jahre teilnehmen. Am letzten Tag gab es von allen Gruppen einzeln und Gruppenübergreifend das Abschlusskonzert, wo das Gelernte gezeigt wurde.



Hinten: Karim, Liam, Rocco, Yannick, Sarah

Vorne: Nils, Emanuel, Cilio, Nico, Kilian, Leon, Nael, Johan

Nochwuggs / Tattoo Parade

Brian Kirmess, Juli 2022



Nicht nur das Tattoo selber, auch die Tattoo Parade fand nach 2 Jahren Unterbruch wieder statt. Bei dieser Parade wirkten einige Basler Rolli mit:

- Cilio Kirmess (Trommelakademie)
- Dominique Wegmann (Wild Bunch)
- Karim Niang (Trommelakademie)
- Leon Lanzetta (Trommelakademie)
- Liam Kirmess (Trommelakademie)
- Neve Kirmess (Trommelakademie)
- Robin Winkler (Top Secret)
- Yannick Amherd (Trommelakademie)



Nochwuggs / Tattoo Parade / Teil 2



Die junge Rolli „z Gascht“ bim Radio X

Wie sich uusegstellt het, hänn mir e (vilicht) zuekünftigi Radio-Dame bi uns in dr Junge Garde. Si isch nämmlig bim Kinderradio vom Radio X drbii. Hüt het si ihri Fründin mitbrocht und die beide hänn e paar vo unserne Pfyfferinne interviewt.

Gange isches um s Thema Musik. Flissig isch gfroggt worde, wisoo me denn gärn Musik macht, was eim Musik bedüetet und was für e Inschtrümant me spiilt.

Am Schluss isch sogar no e Värs vom Arabi vorgspiilt worde, wos jo vilicht au diräggt ins Radio schafft.

Übrigens, X-Kids, so heisst die tolli Sändig vo dr Kinderredaktion, gits jeede erschte Mäntig im Monet ab em 6i zoobe e Stund lang bim Radio X z ghöre. Looset doch emol drii!

Lara P.



Nochwuggs / Worträtsel

Wär findet d Lösige? Folgendi Variante sinn möglich: Linggs nach rächts, rächts nach linggs, obe nach abe. Viel Glügg!

D	A	V	P	L	M	R	E	V	W	Q	P	Q	K
R	I	O	F	F	I	Z	I	E	L	L	S	A	S
U	S	I	G	G	A	W	L	C	K	P	L	S	A
M	A	L	V	B	N	M	K	H	L	R	M	B	E
M	V	A	E	U	T	H	C	A	N	S	A	F	R
E	N	B	E	A	A	G	G	R	E	W	N	N	R
L	A	M	P	E	T	K	R	I	F	O	B	M	A
I	M	B	S	T	T	B	K	V	J	Q	B	I	D
X	B	A	C	T	O	U	L	A	A	F	E	R	I
K	B	D	H	H	O	M	L	R	H	A	S	D	O
M	A	J	O	R	N	M	R	I	C	N	A	D	Z
L	K	B	F	H	U	E	V	B	T	Q	F	A	I
O	B	O	E	G	G	L	I	H	E	S	F	K	O
P	J	P	G	A	H	S	N	U	W	A	A	L	P
B	R	A	G	Z	I	T	P	I	C	C	O	L	O
M	A	S	S	E	K	U	S	C	H	L	E	A	Y

crome.ch

Ab  ff
d'Gass!

Immer unterwegs für Sie.
www.unternaehrer-ag.ch

Unternährer
Unser Elektroprofi

Basel Tattoo.



Danielle: „Mi Liebingsatz:
Bargäld goht leider nid, die
ganzi Street isch cashless.“

Cello: „Schwitzend
an dr Raclettefront mit
emene tolle Spirit“

Chantal:
„Dasi ha
chönne sage:
nei mir näm-
me leider kei
Bargäld“

Habi:
„Raclette goot immer!
Rolli Teamwörgg!„

Dominique: „Mit fünf
Silberziibeli, zwei Güürggli
und zwei Häädöpfeli e
Hüffeli Kääs in Kunsch z
verwandle.“

Thomas W:
„Dr Duft vo
Kääs und
feiner Wurscht
und do der-
zu e rächte
Durscht!!!„





Dr Adrian
isch unsere
strategisch beste
Grillöör gsi!

Dr Kontakt zu
Lüt us dr ganze
Wält, vom Ändle-
buech bis Südafrika.
Und natürlich ganz
viel Zyt mit ganz
viel Rolli!

Super
Team-Spirit und
tolli Zämmearbeit,
e mega Erläbnis :-D
Merci viilmol an alli
flüssige Hälfer!

s Hand-in-
Hand schaffe
isch toll!



Bian: „Näbenem
Ysatz für d Basler
Rolli und em ent-
sprächende Gwünn
generiere het mr au
sehr gfalle, dass me
äfach zämme am
Stand schafft und s
guet het.“

Fabienne L.: „Vo dä Ferie
zrug und diräggts an Rolli
Stand@Basel Tattoo 2022 uff
e Aperolli - e pergegts "Hei-
me kho"...“

Peter B:
„d Stimmig bi de
Rolli hett richtig
guet do“

René Chr. „Fyr's
Tattoo ha mi als
Hälfer nid kenne
duureringe,
dr'fyr ändi Äuguscht
am Verpflegisstand
bim Schwinge.“

Monique: „Ass d'
Basler Rolli und zwei
anderi Gligge e Beiz
gha hänn.“



Philipp B.
„Scho wieder
e Rolli-Klöpfer
wäg“

Andrea B.
Das kleini Grätli
zum kassiere.“

Adrian: „Ich ha e glatti Zit ka und s schön
gfunde gwüssi Rolli besser kenne z lere.
Grosse Dank ans OK!“

Schilby
„E tolli Kammerad-
schaft zwüsche Stamm
und Alti Garde“

Peter M.: „Ob Sauhitz oder
Gwitter us em Volle/schpiilt de
Rolli doch kai Rolle./Ohni z'lie-
ge: Schtund um Schtund/laufft
das Ragglett-Schaabe rund.“



Lukas G.: „Es isch ä sau
glatti Zyt gsi mit ere sau
Hitz, mit eme sau
mit sau Durscht, sau
Gwitter, super
motiviert Hälfer, kurz ä
intensivi Wuche, wo mir
beschtiens in Erinnerig
blibt!“



Diana
„Die Tattoo-
Wuche hett
super Spass
gmacht“

Eveline Sch.:
„RRRolli-RRRaclette,
,s Wältbeschte in dr
Tattooostreet!“

Dominic: *Sunne, Raclette, Aperolli - e
perfäggti Kombination.*

Menü Vorschläg für s nägtschi Tattoo...

Nacho con Queso

Nach Rezept von Matthias E.



Croûtes au fromage

Nach Rezept von Patrick H.



Rolli unterwäggs / Skyline Apéro / Juli 2022

Rolli Skyline Apéro und Grill

Am 7. Juli 2022, dr erscht Donnschtig in de Summerferie, sin e munteri Schar vo öbbe 60 Rolli (Stamm und AG) mit em schnällschte Lift vo dr Schwyz in 30 Sekunde uff knapp 200 Meter höchi uffedüst. Obe ufem Roche Bau 2 hets denn in dr Lounge en Apéro, e tolli Ussicht und e paar Projäggt-Informatione vom Habi gä. Me het sogar könne uffe Balkon uuse go und abeluege, ämmel die wo das buchtechnisch verträge hän...





Derno simmer denn wiider abe und hän dörfe Platz nä bim rote Container und em Baustelle Grill vom Habi syynere Baustell, grad über dr Gränzacherstroos. Nache-me tolle Obe mit feinem Ässe und e klei weeneli Alkohol, sin die letschte denne gege Mitternacht die steili Stäge obe aabe und hän sich ganz fescht miese heebe ;-)




E rundum coole Obe gsi!

REPROLINE

DAS PRINTCENTER IM GUNDELI / BASEL

**Wir drucken nicht nur
Cliquenbroschüren!**



Bruderholzstrasse 40
4053 Basel
061 366 99 99
info@reproline.ch
www.reproline.ch

ESAF 2022 in Prattele

Nach so langer Planig isch dä Grossalass denn doch rächt schnäll vrbi gange. Die übliche vrdächtige freiwillige Hälfer hänn sich zum Teil doch amme viel Stunde im Baselbiet ufghalte - sigs zum Drummle, Grille, Gedrängg usgää, Gedrängg konsumiere, Tanze, Zueluege, Fläsche zruggnä oder Plaudere gsi. Gschafft hett jo jede irgendwie. Und das unter dr Leitig vomene super OK, wo uns im Vorfäld beschtens instruiert hett. Wär drzue no ka Arealplän läse, dä isch klar im Vorteil :)



E schiggs rots T-Shirt, die passend Kappe und e modärni Täsche hänn däm Fescht no die nötigi Eleganz vrleit.

Rolli unterwäggs / ESAF / Teil 2



Sälbscht wennis zwüscheduure am Stand grad nid so viel Gäscht ka hett, hämmer als Clique sehr luschtig ka und drbi no öbbis für Kultur gmacht. Ah jo, irgendwo in dr Nöchi isch no Gschwunge worde.

Nadine



Leon, Alissa, Kaylah...



...und unseri flissigi Anita

Alti Garde / Neys bi de Alte

Geschätzte Leserin, lieber Leser



Fasnacht und Bummel erfolgreich und fast ganz ohne die dunklen Wolken der vergangenen Jahre absolviert. Dass es wohl auch noch einige Corona-Betroffene in dieser Zeit gab, hat nichts am mit Freude erwarteten Aufbruch in ein ganz NORMALES Cliquenjahr getrübt. Und das sollte ja einige Aktivitäten und Anlässe wieder möglich machen, die so sehr vermisst wurden. Die GV hat aber auch einen ersten Vorgeschmack auf das anstehende Jubiläum der Alten Garde gegeben und zur Suche und Wahl eines OK-Präsidiiums, welches sich um Planung und Durchführung kümmern soll.

Mit Andreas und ‚Emme‘ werden diese Aufgaben nun angepackt.

Und sicher auch zu erwähnen ist der Umstand, dass die Pfeiffer-Gruppe mit Maja nun erstmals eine externe Instruktorin erhält. Nach den ersten erfolgreichen Probelektionen sicher ein guter und von allen mitgetragener Schritt. Die Teilnahme an den Lektionen vor den Sommerferien war jedenfalls rekordverdächtig. Und so konnten sich alle unter Anleitung mit dem ‚Voilà‘ schon mal vertraut machen.

Ney bi de Alte

Es hat uns ja doch sehr gefreut, dass trotz Pandemie das Spiel und die Mitgliederzahlen stabil blieben, respektive gestiegen sind. Im Quervergleich zu anderen Alten Garden alles andere als selbstverständlich.

Dass sich dann kurz nach der GV sowohl Annina (Annina Tramèr) und ‚Schmidi‘ (Thomas Schmid) entschieden haben, vom Stamm in die Tambouren-Gruppe der Alten Garde überzutreten, wurde freudig applaudiert. Dass dann nach den Sommerferien sich auch Simi (Simone Brütsch), Steffi (Stefanie Bähler) und Siro (Siro De Carli) entschieden haben, den Übertritt zu wagen und die Pfeiffer-Gruppe zu verstärken, war - ohne dies werten zu wollen – ein echtes Sahnehäubchen. Es hat uns alle sehr gefreut,

5 Stamm-Mitglieder in den Reihen der BRAG herzlichst willkommen zu heissen. Und es hat wohl manchem Zweifler und Kritiker in unseren Reihen den Wind aus den Segeln genommen der an einem solchen Ereignis gezweifelt hat.

Daneben durften wir aber auch noch zusätzliche Zugänge von ausserhalb verzeichnen. Die meisten von ihnen haben ja bereits die letzte Fasnacht mit uns gemacht. Einer schönen und guten Tradition gemäss, möchten wir sie mit einem kurzen Porträt der gesamten Clique vorstellen und sie damit in der Rolli-Familie auch noch mit Bild und Wort herzlich willkommen heissen.

Caroline Frey



Ich bin Caroline Frey und im Kleinbasel aufgewachsen. Nach einem Ausrutscher ins Baselbiet bin ich wieder zurück in meine Heimat ins Hirzbrunnen Quartier gekehrt und lebe dort mit meinem Partner und meinem Hund. Beruflich bin ich im wahrsten Sinne des Wortes auf den Hund gekommen. Mit zehn Jahren habe ich bei den jungen Basler Rolli gelernt zu pfeifen. Anschliessend habe ich bei der Spinner Clique viele Jahre gepfiffen.

Durch Corona hat sich die Tambouren- und Pfeiffer-Gruppe leider aufgelöst. Da kam ich auf die Idee, mich wieder bei den Basler Rolli zu melden, da mir das Musikalische und Gesellschaftliche wichtig ist. Meine erste Fasnacht mit den Basler Rolli Alte Garde hat mir sehr gut gefallen und ich hoffe, ich werde noch viele weitere tolle Jahre mit euch verbringen.

Monika Caviezel

Ich bi vor fascht 61 Joor in Münchestei geboren und mit 2 ältere Briedere ufgwachse. Nach mynere Schuel – und Lehrzyt sowie Sprochufenthalt im Usland, hets my bruefflich nach Ziri zoge, wo ich bis hüte, unterdesse 34 Joor, schaffe und läbe due. In mynere Freizyt dueni sehr gärn wandere und bike, am liebschte im Bündnerland, wo ich em Name noch au här kumm.



Aber e Heimwehbaslere bini immer blybe, denn Basler Fasnacht und s'Pfyfe ghöre eifach zu mir.

Ich kumm vom Barbara Club, wo ich bi de Barbara Gumsle, denn im Stamm und in dr Alte Garde Fasnacht gmacht ha.

Mit de Rolli ha ich in de letschte Joore immer gliebäuglet und jetzt bini syt dr letschte GV vo dr Alte Garde sälber e stolze Rolli.

Peter Moser



Uffgwaggse bin-n-i zwüsche Landhof und Roseli; 4 Joor ha-n-i dört d'Primeli bsuecht, noohäär 8 Joor s RG. Witer gange isch's mit eme Biologiestudium und viili Joor schpööter mit ere Ussbildig zem Primarlehrer. Mini letschte 18 Bruefsjoor bin-i Dozänt an dr FHNW gsii und ha aagehende Lehrerinne zeigt, wie me kaa Naturwüesseschafte unterrichte.

Wie sich's ghört für e Maa han-i in all dääne Joor au e Huus baut, e Baum pflanzt und e Sohn züggt (i weiss: nit ganz tschendergrächt ussdrugt...).

Underdesse sinn au zwei Grooskinder drzue koo. Allewiil bin-i au gärn in de Bäarge, in japanische Gäarte, in Kunschtmusee'e und im Rii zem Schwümme.

Noch dr Bangsionierig bin-i zämme mit miinere Frau Nelly, wo-n-i sit 1967 in si verliebt bii, uff e 6-jäärigi Segelreis gange, wo-n-is über e baar groossi Oozeaan gfiert het. Wär mee will wüsse, findet öbbis uff www.alua.ch.

Noch deere Uuseforderig han-i gfunde, i miesst in miine letschte Lääbensjoor doch ändlig emool „richtig“ Faasnacht mache. E Fründ und ehemoolige Schtudiekolleg git mer drum sit 3 Joor Unterricht im Pfiife. Wo s'Balzers (d'Christine isch my CouCousine) bi uns e Piccolo g'sichtet hänn, het das beschaide Projäkt ufäimool e neu Dimension afoo griege.

Jetzt kämpf ich mit em Rolli-Tämpo und däm aaspruchsvolle Repertoire. Aber wär nit kämpft het scho verloore (Spruch vom Bertolt Brecht – aagäblig).

I freu mi uff jede Fall, bi dr Alte Garde könne z'aschpiriere und so guet wie mööglig derbii könne z'sii – villicht au emool mit nit-musikalische Bidrääg.

Gabriela Schmid

Ich heiss Gabriela Schmid. Me seit mir Gaby. Ich wohn in Oberwil, bi vo Bruef Pflegfachfrau für Kinder. Ich ha zwei erwagseni Töchtere. Beidi sind aktivi Pfyfferinne inere Clique. Bim Willi Geissmann ha ich agfange z pfyffe und denn mit 2 Fründinne s Schissdräckzügli „Läschtermüler“ gründet. Dört ha ich 20 Johr pfyffe. Dur dr Martin bi ich zu de Rolli Alti Garde cho. Ich freu mi sehr uf mini 2. Fasnacht mit euch alle.



Wir alle heissen sie herzlich willkommen in der grossen Rolli Familie.

Daneben mussten wir leider auch den Austritt von Martin Rohner zur Kenntnis nehmen. Er möchte lieber die Fasnacht ausserhalb der Cliquenwelt weiterhin (hauptsächlich am Dienstag) zelebrieren. Viel Spass dabei!

Ja!! Und natürlich hat das Cliquenleben nun wieder in gewohnter Form Fahrt aufgenommen.

Auch wenn ein Tattoo ohne Bargeld oder ein Grillplausch ohne Feuer ja wohl eher einer neuen Normalität entsprechen. Spass hat es allemal gemacht und die BRAG hat tatkräftig mitgearbeitet und hoffentlich auch zum Erfolg beigetragen.



Und abgerundet wurde das Ganze durch den gemeinsamen Helferanlass am Jahrhundertanlass in der Region, dem ESAF. Die ersten Bilder vom Freitag haben wohl den etwas falschen Eindruck hinterlassen, dass das ein ‚Schoggi-Job‘ wird. Man kann die

Mitarbeitenden von Samstag und Sonntag fragen. Das Bild hat sich drastisch geändert. Gestählt aus zahlreichen Festaktivitäten wurde aber auch diese Herausforderung mit Bravour gemeistert. Ein Dank an alle, die mitgeholfen und der Clique diesen Zustupf zur Kasse ermöglich haben.

Lozärner Bierpfad Prosch



Rüdig guet sigs uff em Pfad, wome uff ere vorgeschriebene Wanderrou-
te 5 Lozärner Bier ka kenne lehre.

Starte duet me im Rössli in Ruswil scho mit eme erschte Bier und ere Piz-
za zur Stärkig.

Denn gohts übere Schübelbärg mit herrlicher Ussicht und e Bier zur Be-
lohnig zum Zvieri ins Gasthuus Lamm. Aschliessend kunnt dr Uffstieg uff
e Landig, wome sälschtverständlig noch däre Asträngig widder muess
Energie tangge.... mit eme Bier.

Uff dr letschte Etappe kamme sich denn so quasi aberugele lo noch Wol-
huse und noch all däne Strapaze am Fire Tower e Raclette mit Bier gnies-
se.

Die gnaue Informatione und Buechigskonditione findisch uff:
biermoment.ch oder unsermoment.ch



Ufleesig vom Worträtzel

Die Wörter sottisch gefunde ha:

- Drummeli
- Radio
- Major
- Offiziells
- Voilà
- Waggis
- Lampe
- Piccolo
- Boeggli
- Charivari
- Obma
- Laaferi
- Bummel
- BRAG
- Tattoo
- Fasnacht
- ESAF
- Massekuschle
- Schofegg

RAPP



Planung schafft Zukunft.


Seit mehr als 125 Jahren steht der Name Rapp für passgenaue Lösungen im Kontext bebauter Umwelt. Als unabhängiges Familienunternehmen fokussieren wir auf die Bedürfnisse unserer Kundinnen und Kunden und entwickeln nachhaltige Konzepte zur zukunftsgerichteten Gestaltung von Lebensräumen.

Wir vereinen vielfältige Qualifikationen unter einem Dach: Spezialistinnen und Spezialisten aus den Bereichen Architektur, Infrastruktur, Energie, Mobilität und Logistik erarbeiten in interdisziplinären Teams intelligente Lösungen aus einer Hand.

Werfen Sie einen Blick: www.rapp.ch

Rapp AG | Hochstrasse 100 | 4018 Basel

Ihr **Wein-** und **Getränke-** **Lieferant**



Theo Rietschi AG
Getränke en gros




Hahn-Rickli AG
Weinkeller

Schwarzes Brätt



Adrässänderige
bitte an
basterrolli@gmail.
com schigge, merci



Härzlig willkomme
im Voilà Team, Lara!

Näggschti Usgoobe:

- Frauebummel
- Herrebummel
- Hochzyt Chantal
- JG Weekend
- Bunte Oobe
- Wiehnachtsässe
- SJDS
- Offiziells